



# მურმის მაცნე

მუნიციპალიტეტის საინფორმაციო გაზეთი №21(35) 1-15 ნომერი 2012 წ. ფასი 50 თეთრი

## საკრებულოს სკდომარე

## მუნიციპალიტეტს ახალი გაგვიგელი ჰყავს

## დანიშნა



საგარეჯოს მუნიციპალიტეტის საკრებულოს სკდომარე ბიორბი ლოლაძის მიერ წარმოდგენილ სამომავლო გეგმასა და სტრატეგიას ბუფერულ აზარულ ნომრის მიერ ბეჭდვა.

საგარეჯოს მუნიციპალიტეტის საკრებულოს 2012 წლის 2 ნომბრის სხდომაზე განხილულ იქნა საკითხი „საგარეჯოს მუნიციპალიტეტის გამგებლის ვაკანტურ თანამდებობაზე გიორგი ლოლაძის დანიშვნაზე საგარეჯოს მუნიციპალიტეტის საკრებულოს თავმჯდომარისათვის თანხმობის მიცემის შესახებ“. აღნიშნულ საკითხზე მოხსენება გააკეთა **საგარეჯოს მუნიციპალიტეტის საკრებულოს თავმჯდომარე ილია ზი-აურელია**. მან საკრებულოს დეპუტატებს გააცნო გიორგი ლოლაძის ბიოგრაფია. გიორგი ლოლაძემ კი საკრებულოს დეპუტატებს საგარეჯოს მუნიციპალიტეტის გამგებლის თანამდებობაზე დანიშნის შემთხვევაში თავისი სამომავლო გეგმა გააცნო.

კენჭისყრის შედეგად საკრებულოს დეპუტატებმა (30 დეპუტატიდან 29 დეპუტატი) საგარეჯოს მუნიციპალიტეტის საკრებულოს თავმჯდომარეს მისცა თანხმობა, საგარეჯოს მუნიციპალიტეტის გამგებლის თანამდებობაზე გიორგი ლოლაძის დანიშვნაზე.

საკრებულოს სხდომაზე ესწრებოდა **საქართველოს პარლამენტის მაჟორიტარი დეპუტატი საგარეჯოს მუნიციპალიტეტის ახლადდანიშნული გამგებელი ბიორბი ლოლაძე**. საქართველოს ტელევიზიებისა და არასამთავრობო ორგანიზაციების წარმომადგენლები.



საგარეჯოს მუნიციპალიტეტის საკრებულოს 2012 წლის 2 ნომბრის განკარგულება № 83-ით საგარეჯოს მუნიციპალიტეტის გამგებლის თანამდებობაზე დაინიშნა **ბიორბი ლოლაძე**

გიორგი ლოლაძე სოფელ დიდი ჩაილურდანაა. დაიბადა 1982 წლის 4 მარტს. 1988-1999 წლებში სწავლობდა თბილისის 46-ე საშუალო სკოლაში. 1999-2009 წლებში – თბილისის ივ. ჯავახიშვილის სახელობის სახელმწიფო უნივერსიტეტის მენეჯმენტისა და მიკროეკონომიკის ფაკულტეტზე, რომლის დამთავრების შემდეგ მიენიჭა სპეციალობა – ბიზნესის ორგანიზაცია და მართვა სამშენებლო წარმოებაში.

2004-2008 წლებში დასაქმებული იყო სასოფლო-სამეურნეო ბიზნესში, 2006-2012 წლებში მისდევდა სხვადასხვა სახის ბიზნეს-საქმიანობას. ჰყავს ოჯახი

## რა ითქვა

## საგარეჯოს მუნიციპალიტეტის გაგვიგელის თათბირზე



საგარეჯოს მუნიციპალიტეტის გამგებლის 13 ნომბრის სამშაბათის ტრადიციულ თათბირს ესწრებოდნენ მუნიციპალიტეტის ტერიტორიული ერთეულების რწმუნებულები, გამგებლის სამსახურების უფროსები, მუნიციპალიტეტის გამგებლის მოადგილე გონა (ვეფხია) ჩერქეზიშვილი. თათბირს უძღვებოდა **საგარეჯოს მუნიციპალიტეტის ახლადდანიშნული გამგებელი ბიორბი ლოლაძე**. მუნიციპალიტეტის გამგებელმა მოისმინა ცალკეული სოფლების რწმუნებულების ინფორმაცია ადგილებზე არსებული ინფორმაციის შესახებ. გულისხმობით მოისმინა და აქვე სათანადო ღონისძიებები დასახა იმ პრობლემური საკითხების შესწავლასა და მოგვარებაში, რომელიც ზოგიერთ სოფლის მოსახლეობის სასმელი წყლით მომარაგებას შეეხება.

ასე, მაგალითად, უდაბნოს რწმუნებულის მზევინარ ჯაჭვლიანის მიერ გაკეთებული ინფორმაციით, უდაბნოს მოსახლეობას სასმელი წყალი დიდი შეფერხებით მიეწოდება და ეს გრძელდება რამდენიმე თვეა. ასევე, მოისმინა ის პრობლემები, რომლებიც დაუყოვნებლივ გადაჭრას მოითხოვს:

– სოფელ უდაბნოს მცხოვრები ნინო ჯოხაძე ითხოვს სახლის დაზიანებული სახურავის შეცვლას;

– ასევე, სტიქიისაგან დაზიანებული სახლის სახურავის შეცვლას ითხოვენ პატარა ჩაილურის, მანავის რამდენიმე მცხოვრები;

– მდინარე იორის მიერ შეცვლილი კალაპოტის გამო 200 მეტრის სიგრძეზე საშრობისა და დაზიანებული უჯარმაში მცხოვრები შვიდი ოჯახის საკარმიდამო ნაკვეთები და სახლები.

პატარძელში, გოგლა ლეონიძის სახლ-მუზეუმის კიბე ავარიულ მდგომარეობაშია, რის გამოც ვერ ხერხდება სახლ-მუზეუმში დამთავალიერებულთა მიღება;

სოფელ ლამბალოს მოსახლეობის ერთი ნაწილისათვის სასმელი წყლის მიწოდება ჭიანურდება, რადგან ჭაბურღილისათვის რეზერვუარია შესაძენი და ელექტროენერგიის ჩართვის ნებართვაა საჭირო სს „კახეთის ენერჯისტრიბუციის“ საგარეჯოს სერვის ცენტრის ხელმძღვანელობიდან.

ამავე თათბირზე დაისახა ღონისძიებები აქ დაქვემდებარებული საკითხების მოსაგვარებლად.

# საგარეჯოს მუნიციპალიტეტის საკრებულოს სხდომაზე საგარეჯოს მუნიციპალიტეტის ბაზმების კანდიდატის გიორგი ლოლაძის მიერ წარმოდგენილი სამოქმედო გეგმა და სტრატეგია

**მოგესალმებით პატივცემულ საკრებულოს წევრებო; მოგესალმები საგარეჯოს მაჟორიტარ დეპუტატს!**

ჩემთვის პატივია დღეს თქვენს წინაშე გამოსვლა და იმ პროგრამასა და პრიორიტეტებზე საუბარი, რომელსაც ქართველმა ხალხმა 1 ოქტომბერს მისცა ხმა და ქვეყანაში ძირეული გარდატეხის იმედი გააჩინა.

გამგებლად არჩევის შემთხვევაში, სწორედ ეს პრიორიტეტები იქნება ჩემი, როგორც გამგებლის, მთავარი სამოქმედო გეგმა და სტრატეგია.

დღეს მე არ ვაპირებ თეორიული და ზოგადი ხასიათის განცხადებების კეთებას თვითმმართველობის როლის გაზრდასა და საკრებულოსა და გამგებლის ურთიერთობების შესახებ. დიდი იმედი მაქვს, რომ ძირეული საკითხი, რომელიც კომპეტენციებს, საბიუჯეტო დამოუკიდებლობას და მუნიციპალიტეტებისა და ქალაქების უფლებების ზრდას შეეხება, ქვეყნის პარლამენტის მიერ მიღებული ახალი კანონებითა და თვითმმართველობის დაგეგმილი რეფორმით მოწესრიგდება და სისტემა უფრო გამართული და დემოკრატიული გახდება.

დღევანდელ ვითარებაში კი, ჩვენი ამოცანა უნდა იყოს, მაქსიმალურად გამჭვირვალედ, მოსახლეობის ჩართულობით, საკრებულოსა და გამგებლის შეთანხმებული მოქმედებითა და ცენტრალურ ხელისუფლებასთან კოორდინაციით მივალწოდოთ მაქსიმალურ წარმატებას ჩვენი მოსახლეობის საკითხებზე.

იმ შემთხვევაში, თუკი დღეს თქვენ მე ნდობას გამომიცხადებთ და შესაძლებლობას მომცემთ, შემდეგი რამდენიმე წლის განმავლობაში ვემსახურო საგარეჯოს მუნიციპალიტეტს, ყველა ჩემი მოქმედება, პირველ რიგში, საგარეჯოელებთან და საკრებულოსთან ერთობლივი საქმიანობით, კონსულტაციებითა და საერთო გადაწყვეტილებებით იქნება ნაკარნახევი.

ყველა გადაწყვეტილების ამოსავალი კი ჩვენი მოსახლეობის ყოფის გაუმჯობესება, მუნიციპალიტეტში დასაქმების ზრდა, უფრო ჯანსაღი ეკონომიკური გარემოს შექმნა და არსებული ფინანსური რესურსების ეფექტური გამოყენება იქნება.

რამდენიმე თვის განმავლობაში ჩვენ შემოვიარეთ საგარეჯოს მუნიციპალიტეტის ყველა სოფელი, ვესაუბრეთ ასეულობით ადამიანს, შევედით მათ ოჯახებში და მოვისმინეთ მათი პრობლემები. ჩვენი სოფლებისა და ქალაქ საგარეჯოს მოსახლეობასთან ერთად ვმსჯელობდით პრიორიტეტებზე, მთავარ და უმწვავეს საკითხებზე, რომელიც დაუყოვნებლივ გადაწყვეტას მოითხოვს. ერთად ვსაუბრობდით იმ გრძელვადიან გეგმებზე, რომელსაც მუნიციპალიტეტის ეკონომიკური სიძლიერე უნდა დაეფუძნოს.



დღეს ჩვენ გვაქვს შანსი, ყველამ ერთად, იმის მიუხედავად, ვინ რომელ პოლიტიკურ ძალას ვეკუთვნით და როგორი პოლიტიკური სიმპატიები გვაქვს, ერთად ვიშრომოთ და ერთობლივი ბრძოლითა და დაუღალავი შრომით განვახორცილოთ სოფლის მეურნეობა, დავეხმაროთ მცირე და საშუალო მეწარმეებს, დავეხმაროთ სოციალურად უძძიმეს მდგომარეობაში მყოფ ადამიანებს კრიზისიდან გამოსვლასა და განვითარებაში.

იმ შემთხვევაში, თუ დღეს მოხდება ჩემი არჩევა გამგებლის თანამდებობაზე, ჩემი ერთ-ერთი პირველი პრიორიტეტი 2012 წელს მომხდარი სტიქიის შედეგების დაძლევაში გლეხების დახმარება იქნება.

გასაგებია, რომ შეუძლებელია ყველა ოჯახს სრულად აუუნახლაუროთ ის ზარალი, რომელიც მიადგათ და ყველა ოჯახმა სრულად მიიღოს ის სარგებელი, რომელსაც ელოდა, მაგრამ ჩემი ამოცანა იქნება, ზარალის ზუსტი აღწერით და სამართლიანი კომპენსაციის სისტემის გამოყენებით, შემოსავლის გარეშე დარჩენილ გლეხებს მივცეთ შანსი, მომავალი სამუშაოებისთვის მოემზადონ და წელგამართულნი შეხვდნენ მძიმე ზამთარს.

### მეორე

პრიორიტეტი ეს არის, კარს მომდგარი 2013 წლის ბიუჯეტის დაგეგმვა მოსახლეობასთან ერთად. სოფლებში ჩვენი შეხვედრების დროს გამოთქმული პრობლემების გადაჭრისთვის საჭირო შესაბამისი თანხები აისახება ამ ბიუჯეტში. ასევე ბიუჯეტის პროექტზე მუშაობის დროს, მაკორტირებ დეპუტატთან ერთად, დავეგეგმავთ შეხვედრებს სოფლებში მოსახლეობასთან და სწორედ მათთან კონსულტაციების შემდეგ ვადგენთ საბიუჯეტო პრიორიტეტებს და ბიუჯეტის პროექტი კანონით დადგენილ ვადებში წარედგინება საკრებულოს დასამტკიცებლად.

### მესამე

ჩემი ამოცანა იქნება, რაც შეიძლება მეტი არასაბიუჯეტო ფინანსური რესურსების მოზიდვა ისეთი უმნიშვნელოვანესი პროგრამების დასაფინანსებლად, რომელიც საბიუჯეტო სახსრების სიმწირის გამო ყოველთვის პრობლემურად რჩებოდა.

### მაბალითად:

შეუძლებლად მიმაჩნია საბავშვო ბაღის პედაგოგების ხელფასი საარსებო მინიმუმზე მნიშვნელოვნად ნაკლები იყოს;

უმნიშვნელოვანესია, სერიოზული დაფინანსება მოვიხილოთ ჩვენს მუნიციპალიტეტში ახალგაზრდობის გაჯანსაღებისთვის, ახალი სპორტული კომპლექსების მოწყობით, მწვრთნელების წახალისებით და ჯანსაღი ცხოვრების წესის პროპაგანდით. საგარეჯოს ყოველთვის პყავდა რაიონის და ქვეყნის სასახელო ფალანგები და აბსოლუტურად დარწმუნებული ვარ, რომ ადეკვატური დაფინანსების პირობებში კიდევ უფრო მეტ წარმატებებს მივალწვდით.

განსაკუთრებით მნიშვნელოვანია ჩვენი აზერბაიჯანელი თანამოქალაქეებისთვის ინტეგრაციის პროგრამების დამტკიცება. საჭიროა იორმულანდოში საბავშვო ბაღების, ქართული ენისა და კულტურის ცენტრებისა და სპორტული კომპლექსების შექმნა. მნიშვნელოვანია, სპორტის - როგორც მოსახლეობის ინტეგრაციის მძლავრი იარაღის გამოყენება.

### მეოთხე

ჩვენი უმნიშვნელოვანესი პრიორიტეტი იქნება ინფრასტრუქტურული პროგრამების დაგეგმვა და შესაბამისი ფინანსური რესურსების მოძიება იმისთვის, რომ ერთი წლის, მაქსიმუმ წელიწადნახევრის განმავლობაში, მუნიციპალიტეტში მოვაგაგროთ წყლით მომარაგების, გაზიფიკაციის, გზების (მათ შორის შიდა

სასოფლო გზების) პრობლემა. სრული რეაბილიტაცია ჩავუტაროთ ყველა საგანმანათლებლო დაწესებულებას - საბავშვო ბაღებსა და სკოლებს, მუნიციპალიტეტი უზრუნველყოთ თანამედროვე სტანდარტების ბიბლიოთეკით, სამუსიკო სასწავლებლებით, საკვირაო სკოლებით და სხვა.

### მეხუთე

უმნიშვნელოვანესია, მუნიციპალიტეტში ხელმისაწვდომი და კვალიფიციური იყოს ჯანდაცვის სისტემა. სოფლის ექიმებით დაწესებული, სასწრაფო, საავადმყოფო, ამბულატორიები მაქსიმალურად უნდა მიუახლოვოთ თანამედროვე სტანდარტებს და მოსახლეობის საჭიროებებს.

### მეექვსე

უმნიშვნელოვანია საგარეჯოს კულტურული მემკვიდრეობის მაქსიმალური პროპაგანდა როგორც საქართველოში, ასევე მის ფარგლებს გარეთ.

დავით გარეჯის სამონასტრო კომპლექსი უნდა ვაქციოთ ჩვენს საერთო ბარათად მთელს მსოფლიოში, რაც ერთი მხრივ, თავად მის რეაბილიტაციას დაეხმარება, ხოლო მეორე მხრივ, ტურისტული ინფრასტრუქტურის შექმნით მუნიციპალიტეტში დამატებითი სამუშაო ადგილების გაჩენასა და ფინანსური რესურსების მოზიდვას შეუწყობს ხელს.

### მეშვიდე - ყველაზე მნიშვნელოვანი და პრიორიტეტული -

საგარეჯოს მუნიციპალიტეტი სრულ მზადყოფნაში უნდა შეხვედეს საქართველოს ხელისუფლების მიერ დაგეგმილი სოფლის მეურნეობის განვითარების ფონდის შექმნას.

ჩვენ ყოველდღიურად უნდა ვიშრომოთ იმისთვის, რომ პროგრამის ამოქმედებისთანავე მუნიციპალიტეტის სოფლები და მოსახლეობა მზად იყოს რეალისტური, კარგად გათვლილი და სწორად დაგეგმილი პროგრამებით, რომელიც საგარეჯოს მუნიციპალიტეტში სოფლის მეურნეობის განვითარებას და შესაბამისად, მოსახლეობის დასაქმებას და შემოსავლების ზრდას შეუწყობს ხელს.

ჩემს მიერ ჩამოთვლილი პრიორიტეტების ერთ ნაწილი, ბუნებრივია, საგარეჯოს 2013 წლის ბიუჯეტში უნდა აისახოს, ხოლო მეორე ნაწილი, ცენტრალურ ხელისუფლებასთან ჩვენი თანამშრომლობის სტრატეგიის ნაწილი უნდა გახდეს, იმისთვის რომ, მაქსიმალურად წარმოვადგინოთ საგარეჯოს მუნიციპალიტეტის ინტერესები და საჭიროებები ცენტრალური ბიუჯეტით დაგეგმილი პროგრამების განხორციელებისას.

ძალიან მოკლედ ეს იქნება ჩემი პრიორიტეტები გამგებლად არჩევის შემთხვევაში. თქვენი მხარდაჭრის იმედი მაქვს.

დიდი მადლობა ყურადღებისათვის!



განათლება

განათლება

სკოლის შენობის ახალშენებლობა

როგორც იქნა დაიწყო

ორმულანლოს საჯარო სკოლაში ახალი სასწავლო წლის დასაწყისისათვის 1300-მდე მოსწავლე ირიცხებოდა. მოსწავლეთა ასეთი სიმრავლისა და სათანადო სასწავლო ფართის უქონლობის გამო აქ რამდენიმე წელია მეცადინეობები ორ ცვლად მიმდინარეობს. გასული სასწავლო წლის ბოლომდე ეს მეცადინეობები სკოლის ორ შენობაში ტარდებოდა, – ძირითად სამსართულიან სასკოლო კორპუსსა და გასული საუკუნის 60-იან წლებში აშენებულ ქვითიკირის ორსართულიან შენობაში. უფრო სწორად, ეს იყო სოფლის პირველი საშუალო სკოლის დანგრევას გადაჩენილი ნაწილი – რვა საკლასო ოთახით, რომელსაც, როგორც იტყვიან, „სული კბილით ეჭირა“, რომ არ დაშლილიყო. ფაქტობრივად, ეს შენობა, რომელიც ვერანაირად ამართლებდა სასწავლო დაწესებულებებზე წაყენებულ მოთხოვნებს, დიდი ხანია იმსახურებდა

დემონტაჟს, მაგრამ სხვა სასწავლო ფართის უქონლობა უშლიდა ხელს. აქედან გამომდინარე, ადგილი გასაკვირ და ასახსნელია ის აღფრთოვანება და სიხარული, რომელიც ამ სკოლის მოსწავლეებმა, მათმა პედაგოგებმა და მშობლებმა განიცადეს, როცა ქვეყნისა და განათლების სამინისტროს მაშინდელი პირველი პირები ამ ძველი შენობის ადგილზე ახალი, თანამედროვე სტანდარტების დონეზე მოწყობილ სამსართულიან სკოლის აშენებას დაპირდნენ. ეს მოხდა მიმდინარე წლის 9 მარტს, იორმულანლოს ქართული ენის შემსწავლელი ცენტრის გახსნის დღეს, როცა ამ ცერემონიაზე დამსწრე პარლამენტის მაშინდელმა თავმჯდომარემ დავით ბაქრაძემ, ასევე საქართველოს განათლებისა და მეცნიერების ყოფილი მინისტრმა დიმიტრი შაშინმა და კახეთის მაშინდელმა გუბერნატორმა საფუძველი ჩაუყარეს

ორმულანლოსა და ლამბალოს საჯარო სკოლების ახალი შენობების მშენებლობას. მათი შეპირებით, ეს მშენებლობები ახალი სასწავლო წლის დაწყებამდე უნდა დასრულებულიყო და შესულიყო ექსპლუატაციაში. სკოლის შესასვლელთან გამოიფინა ახალი სასკოლო შენობის ფართობიანი ესკიზიც, რაც საკმაო ხანს ახარებდა მნახველთა თვალ-გულს. ეგ იყო, რომ სკეპტიკოსთა გულელებში თავიდანვე იყო ჩაბუთებული „ჭკვის ჭია“ – მოესწრებოდა კი ამ შენობის აშენება დათქმული დროისათვის? ეჭვების გაღრმავებას უფრო შეუწყო ხელი იმანაც, რომ სასწავლო წელი იჭურებოდა და მშენებლობის დასაწყებად არანაირი სამუშაოები არ ხორციელდებოდა.

– ალბათ ზაფხულის არდადეგების დროს დაიწყებენ და მოამთავრებენ სკოლის მშენებლობას, – ამ იმედებით დატოვებს ჯერ მოსწავლეებმა და შემდეგ მასწავლებლებმა სკოლა, იმ იმედით, რომ ახალ სასწავლო წელს სწავლას ახალ სკოლაში დაიწყებდნენ. თუმცა, ჩაიარა არდადეგებმა და სკოლაში დაბრუნებულ პედაგოგებს არა თუ ახალი შენობა, არამედ ძველ ადგილზე ისევ ძველი სკოლა დაუხვდათ, რომლის დემონტაჟის სამუშაოები სასწავლო წლის დაწყებას დაემთხვა. ისე, რომ მოსწავლეებიცა და პედაგოგებიც დამსწრე და თვითმხილველი აღმოჩნდნენ ამ „ისტორიული ფაქტისა“. ამის გამო მოსწავლეთა ერთ ნაწილს სწავლის დაწყება სოფლის ძველი ამბულატორია-პოლიკლინიკის შენობაში მოუხდათ, სადაც მინიმალური პირობებიც კი არაა სასწავლო პროცესის ნორმალურად წარმართვისათვის. და როგორც საქმიდან ჩანს, ალბათ მომავალი წლის ზაფხულის ბოლომდე მოუწევთ აქ სწავლა.

რაც შეეხება სკოლის ახალი შენობის მშენებლობას შპს „ბაღდადრემშენის“

მშენებლებმა ამ თვენახევრის წინ „ნავსი გატეხეს“ და დაიწყეს ეს 730 ათასზე მეტ ლარიანი ღირებულების მშენებლობა. ეს იქნება თანამედროვე სტანდარტების დონეზე აღჭურვილი სამსართულიანი შენობა, 12 საკლასო და სხვა კაბინეტ-ლაბორატორიებით.

სადღესოდ მშენებლებმა უკვე მოასწრეს შენობის ფუნდამენტის მოშადება, რკინა-ბეტონის ხსნარით შეიკრა მტკიცე საძირკველი, რომელმაც უნდა ზიდოს მთელი ამხელა შენობის სიმძიმე.

– ამ საძირკვლის ჩაყრას და გაშრობას საკმაო დრო დასჭირდა. თუ საძირკველი სათანადოდ არ იქნება გამშრალი, ისე ის ვერ გაუძლებს ამხელა სიმძიმეს, – განაცხადა ჩვენთან საუბარში სამშენებლო სამუშაოთა მწარმოებელმა, ზ. ხუბანოვმა, – ისე, რომ ამას საკმაო დრო დასჭირდა. საძირკველში უკვე ჩაბეტონდა შენობის მზიდი საყრდენების ლითონის კონსტრუქციაც. ამ დღეებში ჩვენ მივიღეთ ჩვენთვის საჭირო მასალები ე.წ. „აპალოკის“ გასაკეთებლად, რომლითაც შევკრავთ ყალიბებს და შევავსებთ სათანადო ბეტონის ხსნარით. საბჭოთა პერიოდში იყენებდნენ მზა ე.წ. რკინა-ბეტონის კონსტრუქციებს, ახლა კი ამ ყველაფერს ადგილზე მშენებლობის დროს ვაკეთებთ, რაც უზრუნველყოფს შენობის სიმტკიცესა და იგი უფრო მაღალსაიმედოა. ცხადია, ყველა ამ სამუშაოს თავისი წესები და ვადები აქვს, რომელთა დარღვევას უარყოფითი შედეგების გამოწვევა შეუძლია. ამიტომ, ყველაფერი გაწერილ ვადებში და წესების დაცვით უნდა შესრულდეს, მით უმეტეს, რომ ამ შემთხვევაში საქმე ბავშვებს, მათ სიცოცხლეს და ჯანმრთელობას ეხება.

რაც შეეხება მშენებლობის დაფინანსებას, როგორც შევითქვეთ, პირველ ეტაპზე უკვე ჩარიცხულია 221 700 ლარამდე და იგი კვლავაც დაფინანსდება, ისე რომ თუ რაიმე გაუთვალისწინებელი შემთხვევა არ მოხდა, იორმულანლოელი მოსწავლეები წელს თუ ვერ იხეიშეს, გაისად მაინც იხეიშებენ ახალ სასკოლო შენობაში ახალმოსახლეობას.

ბ. ლაკახიშვილი



სინკლა

მეთერთმეტეკლასელები – ემონიები და შთაბეჭდილებები



გვესაუბრება საქართველოს განათლებისა და მეცნიერების სამინისტროს საგარეო საგანმანათლებლო რესურს-ცენტრის უფროსის მოვალეობის შემსრულებელი მანანა ცუცმირიძე:

– განათლების სისტემაში მიმდინარე რეფორმას კიდევ ერთი სიახლე შეემატა: მეთერთმეტეკლასელები მომავალ, 2013 წლის ოქტომბერში ოთხ საგანში ჩააბარებენ გამოცდას. ეს გამოცდები ბარდება საბუნებისმეტყველო საგნებში: ქიმია, ფიზიკა, ბიოლოგია და გეოგრაფია. აღნიშნული საგნები შეირჩა იმიტომ, რომ XI კლასში ამ საგნების სწავლება მთავრდება. იმ შემთხვევაში, თუ მოსწავლე სასურველ ქულას ვერ მიიღებს ამ საგნებში, უფლება ეძლევა მისიში მეორედ გადააბაროს. ეს ერთის მხრივ კარგია, რადგან XII კლასში ისინი წლის ბოლო

სათვის რვა გამოცდას აბარებენ, ახლა კი რაღაცნაირად „განიტვირთება“ მათი ემოციები. ამასთან, მოსწავლეს შანსი ეძლევა ორჯერ სცადოს ბედი სასურველი ქულის მოსაპოვებლად. მეთორმეტე კლასში კი ისინი აბარებენ გამოცდებს ძირითად საგნებში – ქართული ენა და ლიტერატურა, მათემატიკა, ისტორია და უცხო ენა. მხოლოდ ამის შემდეგ მიეცემა მოსწავლეს საშუალო განათლების ატესტატი.

აღნიშნულ საკითხზე გავესაუბრეთ საგარეო საგანმანათლებლო რესურს-ცენტრის უფროსის მოვალეობის შემსრულებელი მანანა ცუცმირიძეს. აი, რა გვითხრეს მათ:

– ინფორმაციის მიღებას ჩვენი მღელვარება მოჰყვა, რადგან შეგუებული ვიყავით, რომ გამოცდა XII კლასის დამთავრებისას უნდა ჩაგვებარებინა. საერთოდ სიახლე პატარა შიშს იწვევს ყოველთვის. მაგრამ შემდეგში, როდესაც გავაანალიზეთ, რომ ოთხი გამოცდა უნდა ჩაგვებარებინა მომავალი წლის ე.ი. მეთორმეტე კლასის I სემესტრში, ოქტომბერში, ცოტა არ იყო, დავეშვიდით. ერთბაშად რამდენიმე გამოცდის ჩაბარება, მართლაც ძნელი იქნებოდა გონებრივად, ფიზიკურადაც და ემოციურადაც. ოქტომბერში ჩვენ ჩავაბარებთ ოთხ გამოცდას: ქიმიაში, ფიზიკაში, ბიოლოგიაში და გეოგრაფიაში. ეს საგნები არ არის მარტივად და ადვილად ჩასაბარებელი, რადგან სწავლებლისა იყო ასეთი შემთხვევაც – ჩვენ მერვე კლასში საერთოდ არ გვისწავლია ქიმია, ან ცალკეულ



საგნებს ვსწავლობდით ეტაპობრივად, სემესტრულად. ოქტომბრის გამოცდების შემდეგ, ჩვენ გვექნება შანსი გადააბაროთ ეს საგნები ზაფხულზე – მაისის თვეში. ამასთან, მეთორმეტე კლასის სასწავლო წლის ბოლოს ჩვენ ვაბარებთ გამოცდას ქართულ ენასა და ლიტერატურაში. მათემატიკაში, ისტორიაში და უცხო ენაში.

მეთერთმეტე კლასი დატვირთული და საპასუხისმგებლოა ჩვენთვის, მაგრამ ოქ

ტომბრის გამოცდებამდე ჩვენ გვაქვს მთელი ეს სასწავლო წელი და ზაფხულის არდადეგებიც – შევივსოთ ის ვაკუუმი, რაც საგნების სემესტრული სწავლების ხარვეზებს მოჰყვა. მერვე კლასის პროგრამული ქიმიის საგანს, ახლა XI კლასში გაევივით, მეშვიდე, მეცხრე და მეთექვსმეტე კლასების კი უკვე გავლილი გვაქვს. ზაფხულიც მოგვეცემს საშუალებას განვიმტკიცოთ ცოდნა.

ჩაიწერა თინა ილაშვილი







